



MEMORANDUM

O RAZUMIJEVANJU U OBLASTI NAUČNO-ISTRAŽIVAČKE SURADNJE I PODRŠKE SUSTAVNIM POSLOVIMA SIGURNOSTI

Zaključen između:

Ministarstva sigurnosti Bosne i Hercegovine, sa sjedištem u zgradi Institucija Bosne i Hercegovine, Ulica Trg BiH broj 1, u Sarajevu, koga zastupa ministar sigurnosti gospodin Tarik Sadović

i

Fakulteta političkih nauka Univerziteta u Sarajevu, sa sjedištem u Ulici Skenderija broj 72, u Sarajevu, koga zastupa prof. dr. Mirko Pejanović, dekan

U daljem tekstu: Ugovorne strane.

OPĆE NAPOMENE

Imajući u vidu značajnu ulogu znanosti u izvršavanju sustavnih poslova sigurnosti Bosne i Hercegovine, kao i njen doprinos unaprjeđenju poslova sigurnosti kroz aktivnosti Ministarstva sigurnosti Bosne i Hercegovine u regionalnim i širim euro-atlantskim asocijacijama, prvenstveno značajnim za pristup Bosne i Hercegovine u članstvo NATO i Europsku uniju, Ministarstvo sigurnosti Bosne i Hercegovine i Fakultet političkih nauka Univerziteta u Sarajevu utvrdili su značaj suradnje u svim oblastima sigurnosti, a koje se izučavaju i znanstveno-stručno verificiraju kroz nastavne i znanstveno-istraživačke aktivnosti Fakulteta.

Fakultet političkih nauka izražava spremnost, a Ministarstvo sigurnosti Bosne i Hercegovine prihvata ponudu, da se budućim zajedničkim aktivnostima značajno unaprijedi oblast sigurnosti kroz sustavne poslove u svim oblastima djelovanja Ministarstva i znanstveno-istraživački rad kojim se bavi Fakultet političkih nauka, a naročito u domenu sigurnosne diplomatije i civilnog planiranja za izvanredne situacije (zaštita i spašavanje, informativni menadžment u poslovima sigurnosti, i slično).

Memorandum je potvrda opredijeljenosti Ministarstva sigurnosti Bosne i Hercegovine da kroz NATO/PfP program „Naukom za mir“ i druge NATO/CEP komitete i odbore (komiteti i odbori Direktorata za civilno planiranje za izvanredne situacije - Komitet za civilnu zaštitu, Komitet za informativni menadžment, i druge organizacijske jedinice) reprezentativno i kvalitetno unaprijedi oblast sigurnosti, kao dio obaveza iskazanih kroz Prezentacijski dokument „Individualni akcioni plan Partnerstva“ (IPAP).

Vidovi, oblici i vrijednost podrške, pomoći i suradnje uređuju se aneksima Memoranduma na osnovu inicijative ugovornih strana.

MODALITETI SURADNJE

- 1) Predmet suradnje po ovom Memorandumu podrazumijeva sljedeće modalitete podrške i suradnje:
 - a) naučno – stručna suradnja u razvoju metoda procjenjivanja i analiziranje rizika prirodnih i drugih nesreća i drugih metoda prevencije prirodnih i drugih nesreća;
 - b) uzajamna suradnja kroz organizaciju i učešće u obukama, seminarima, radionicama, vježbama i drugim specijalističkim modulima obučavanja i drugim značajnim međunarodnim događajima u Bosni i Hercegovini i u inozemstvu;
 - c) ekspertna pomoć i uzajamna suradnja u unapređenju pripravnosti za prirodne i druge nesreće i planiranju kapaciteta zajednice za odgovor na eskalaciju rizika i nastanak nesreća;
 - d) suradnja u programima obučavanja i osposobljavanja zaposlenih u organizacijskim jedinicama u sastavu Ministarstva sigurnosti Bosne i Hercegovine;
 - e) suradnja u realiziranju zadataka Ministarstva sigurnosti Bosne i Hercegovine postavljenih u dokumentima NATO-a i drugih međunarodnih organizacija;
- 2) U predmet Memoranduma će biti uključeni i drugi oblici suradnje u oblastima sigurnosti i zaštite iz nadležnosti Ministarstva sigurnosti Bosne i Hercegovine utvrđenih Zakonom o ministarstvima i drugim organima uprave Bosne i Hercegovine (borba protiv terorizma i drugih oblika kriminala, sigurnost i zaštita granice, imigracije, azila, i drugih poslova i zadataka Ministarstva).
- 3) Aktivnosti predviđene ovim Memorandumom će biti implementirane u toku suradnje između Fakulteta političkih nauka i Ministarstva sigurnosti Bosne i Hercegovine u dostizanju sektoralnog cilja **«izgradnja i razvoj samoodrživih kapaciteta Bosne i Hercegovine za sigurnost i zaštitu građana Bosne i Hercegovine»**.

ORGANI ODGOVORNI ZA IMPLEMENTACIJU MEMORANDUMA

Za implementaciju Memoranduma su odgovorni potpisnici.

Ugovorne strane će po svakom pojedinačnom projektu potpisati poseban ugovor.

Za svaki konkretni projekt potpisnici Memoranduma će formirati stručna tijela, u ovisnosti od vrste i prirode projekta.

Ugovorne strane su suglasne da se u izradi i implementaciji projekata mogu angažirati naučnici, istraživači i eksperti kao vanjski suradnici.

U navedene oblike saradnje Ministarstvo sigurnosti Bosne i Hercegovine će, shodno procjeni potreba i projektnom zadatku, u implementaciju projekata uključiti i nadležne institucije i organe uprave entiteta i Brčko Distrikta Bosne i Hercegovine.

RELEVANTNI PROJEKTNI UVJETI UGOVORNIH STRANA

Fakultet političkih nauka kao osnovni preduvjet saradnje naglašava akademsku autonomnost Fakulteta, shodno zakonskim i podzakonskim aktima koji uređuju pitanja naučno- istraživačkog rada.

Naglašavajući volju i spremnost da pomogne u postizanju sektoralnog cilja projekta saradnje **«izgradnja i razvoj samoodrživih kapaciteta Bosne i Hercegovine za sigurnost i zaštitu građana Bosne i Hercegovine»**, Fakultet pravo autonomnosti rada adresira na pravo samostalnog odlučivanja o korištenju intelektualnih, materijalnih, finansijskih resursa po svim stavkama buduće saradnje.

Ministarstvo sigurnosti Bosne i Hercegovine saglasno je i spremno da, shodno zakonima utvrđenim nadležnostima i planiranim sredstvima za realizaciju projekata, dogovara i ugovara s Fakultetom zajedničke aktivnosti iz Memoranduma u svrhu efektivne i efikasne realizacije sistemskih zadataka u izgradnji i razvoju kapaciteta Bosne i Hercegovine za sigurnost i zaštitu građana, baziranim na naučno-istraživačkim rezultatima.

ZAVRŠNE ODREDBE


Memorandum se zaključuje na neodređeno vrijeme, a može se staviti van snage sporazumno ili jednostranim raskidom, uz obavezu poštovanja otkaznog roka od mjesec dana, sa detaljnim obrazloženjem razloga takve odluke.

Memorandum stupa na snagu nakon što ga potpišu ugovorne strane.


Ovaj Memorandum o razumijevanju i saradnji potpisan je u 2 (dva) istovjetna primjerka, na službenim jezicima u Bosni i Hercegovini (na dva pisma), gdje svaka ugovorna strana zadržava po jedan primjerak na svakom od jezika i pisama.

Potpisano u Sarajevu, 09. juna 2008. godine.

**Za Ministarstvo sigurnosti
Bosne i Hercegovine**


Tarik Sadović, ministar sigurnosti

**Za Fakultet političkih nauka
Univerziteta u Sarajevu**


prof.dr. Mirko Pejanović, dekan